



Na osnovu Budžeta općine Ilijaš za 2018. godinu, broj: 01/1-02-2969-4/17, člana 23. Odluke o izvršavanju budžeta za 2018. godinu, broj: 01/1-02-2969-5/17 od 28.12.2017. godine (Službene novine Kantona Sarajevo», broj: 02/18), člana 11. Odluke o kriterijima, načinu i postupku raspodjele sredstava iz granta za projekte mladih koji se finansiraju i sufinansiraju sredstvima Budžeta Općine Ilijaš ("Službene novine Kantona Sarajevo", br. 5/11), Općinski načelnik donosi:

O D L U K U
O RASPODJELI BUDŽETSKIH SREDSTAVA IZ GRANTA ZA PROJEKTE MLADIH KOJI SE FINANSIRAJU I SUFINANSIRAJU SREDSTVIMA BUDŽETA OPĆINE ILIJAŠ ZA 2018. GODINU

Član 1.

Ovom odlukom vrši se raspored sredstava utvrđenih Budžetom Općine Ilijaš, za 2018. godinu, ekonomski kod 614 300, Tekući transfer neprofitnim organizacijama, funkcionalni kod 491 Aplikacija budžet za mlade.

Član 2.

Grant za namjenske projekte mladih u iznosu od 10.000 KM raspoređuju se:

Red. broj	Adm. broj	ORGANIZACIJA	PROJEKAT	BODOVI	Odobreno KM
1.	1.	Asocijacija za mlade, ekologiju, kulturu i obrazovanje AMEKO	Za čist i lijep naš Ilijaš	144	2.605,00
2.	2.	ISKORISTI DAN – CARPE DIEM	Povežimo se kroz igru	192	2.600,00
3.	7.	ISKORISTI DAN – CARPE DIEM	Colera	155	1.685,00
4.	4.	ISKORISTI DAN – CARPE DIEM	Mi smo spremni	129	1.290,00
5.	3.	ISKORISTI DAN – CARPE DIEM	Kuhajmo zajedno 2	187	1.120,00
6.	8.	Udruženje CRVENI KRIŽ	Seminar prve pomoći	109	700,00
		UKUPNO			10.000,00

Član 3.

Općinski načelnik će sa subjektima iz člana 2. ove odluke zaključiti ugovor, koji sadrži prava, obaveze i odgovornosti, način praćenja provođenja odobrenog projekta, način praćenja namjenskog trošenja sredstava, te elemente narativnog i finansijskog izvještavanja o provođenju projekta.

Sredstva će biti doznačena nakon potpisivanja ugovora, jednokratno ili u ratama, u skladu terminskim planovima korisnika sredstava i prilivom budžetskih sredstava Općine Ilijaš.

Član 4.

Odobrenim budžetskim sredstvima ne mogu se retroaktivno financirati projekti koji se već provode ili su okončani. Neće se odobravati troškovi po fakturama datiranim prije datuma potpisivanja ugovora sa Općinom.

Neće se financirati godišnji program aktivnosti. Projektni prijedlog se mora odnositi na specifične aktivnosti, odnosno na niz utvrđenih aktivnosti koje su u međusobnoj vezi i koji mogu da se identifikuju rezultatima unutar određenog vremenskog okvira.

Član 5.

Aplikanti kojima su dodijeljena sredstva za projekte podnose konačni narativni i finansijski izvještaj o provođenju projekta Općinskom načelniku putem Službe za društvene djelatnosti i poslove mjesnih zajednica, najkasnije 30 dana nakon provođenja projekta odnosno najkasnije do kraja kalendarske godine.

Za projekte čija realizacija traje preko 6 mjeseci do 12 mjeseci, nosioci projekta će podnositi periodični i konačni izvještaj. Periodični izvještaj nosioci projekta su dužni podnijeti po šestomjesečnom obračunu.

Za projekte čije je trajanje kraće od 6 mjeseci podnositi će se samo konačni izvještaj. Općina će obezbjeđiti nadzor provedbe projekta u toku njegovog trajanja.

Član 6.

Udruženja kojima se odobravaju sredstva za redovan rad, dužna su dostaviti završni račun za 2017. godinu ovjeren od AFIP-a zaključno sa 28.02.2018.godine, održati izvještajne skupštine do 31.maja 2018. godine i dostaviti zapisnik sa skupštine, izvještaj o radu i finansijski izvještaj za 2017. godinu, odluku o usvajanju izvještaja i program rada za 2018. godinu sa finansijskim planom za 2018. godinu.

U slučaju nepoštivanja odredbi iz stava 1. Općinski načelnik svojom Odlukom zaustavlja finansiranje za tekuću godinu, čime Udruženje gubi pravo da bude korisnik budžetskih sredstava za narednu godinu.

Član 7.

Provođenje zaključenih ugovora za odobrene projekte iz člana 2. ove odluke prati Služba za društvene djelatnosti i poslove mjesnih zajednica i Komisija za mlade i obrazovanje Općine Ilijaš.

Član 8.

Ova odluka stupa na snagu danom objavljivanja na oglasnoj ploči općine Ilijaš.

Broj: 07-14-927/18
Ilijaš, 19.04.2018.godine



OPĆINSKI NAČELNIK

Akif Fazlić, dipl.ecc.

Ul. 126. Ilijaške brigade br. 6, 71380 Ilijaš
Tel. Fax: ++387 33 580-690,
Transakcijski račun kod VAKUFSKE BANKE, d.d. Sarajevo: 1602000000710645
e-mail drustvenedjelatnosti@ilijas.ba



Broj certifikata: CRO20063Q